


Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

Mastru Pasquale & Mastru Michiali



Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

Mastru Pasquale e Mastru Michiali

Li campani sonavanu a mmuartu:

la chjiasachjina de gianti,

'nc'era nu silenziu 'mpressionante,

'ndoon.....'ndoon.....

'ndo-'ndoon

Era nu suanu chi mmentia □ pagura,

'ndoon.. 'ndoon....

'ndiinnn.....

'ndooonn....

Ndo-'ndooonn

attaccava pue l'organu,

la musica arrivava hfina a lu cialu,

e nna vuce ruvida e possente,

chi pparìa de n'atru mundu,

cominciava lu DIES IRAE

Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

Dieess iraeee, dies illaaaa,

Solvat saeculum in favillaaa,

Teste David cum Sibylla,

Quantus tremor est futurus.....

Era la hfine de ogne ccosa,

Iu jùarnu de lu giudiziu universale.....

Mastru Pasquale era 'nsuperabile

'nta chiddri occasioni,

'ntonavalu cantu

cùamu sulu iddru sapìa hfare....

Libera meeeeDomine,

de mooorte æternaaa,

in die illa tremendaaa

Quando cœli movendi sunt et terra

Dum vèeeneriis

iudicareee sæculum per ignem.....

Li mani volavanu a ùacchji chjiusi,

Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

li jjidita parianu accarizzare li tasti

de chiddr'organu anticu.

Cu la capu e ttutta la perzuna

accumpagnava la sinfonia chi

arrivava a lu core de la gente e

li trasportava 'nta n'atra dimensione:

Non avìa studiatu la musica,

Mastru Pasquale,

non avìa jjutu a la scola,

ma l'armonia e la bellezza de

chiddru Dies Irae,

no la potivi sentire mai ad atri viali.

Mastru Pasquale servìa li funzionide la Chjiasa,

tutti in latinu, cùamu usava allora;

era na perzuna de rande dignità,

sempe compostu e seriu,

decorosu a lu vestire,

adocatu e de gradevole presenza,

Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

a la manu cu ttutti.

Avìa lu sensu religiosu e

tenìa rispettu pe li lùaghi sacri.

Iddru

si cumportava bene cu tutti,

cu l'arciprete e li previtiaddri,

era nu cristianu equilibratu,

carmu e tranquillu,

'nta ogne occasione

sapìa mu sta a lu postu sue;

'ntelligente,ironicu e capace,

tuttu lu paise li volia bene.

Precisu e puntuale,

a ogni ffesta e a ogne funzione;

sonava li campani all'ura giusta,

a menzijiùarnu, all'arva,

a lu 'mprima scura.

Li campani,

dettavanu lu ritmu de la vita,

segnavanu li uri de hfatiga e de ripùasu;

quandu a lu vesperu sonavanu a mmartùaru,

aviamu perdutu na perzuna cara,

era nu dialugu continuo cu la comunità.

E mastru Pasquale avìa na rande abilità

a sonare li campani;

pe ogni circostanza 'nc'era nu modu diversu de sonare,

pe li matrimonii o li hfiasti solenni,

Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

e chi gioia, sentire li campani a ffesta:

La matina de dominica

cu li tri ssonati, annunziava

la missa cantata de li diaci,

lu sùanu pe lu Gloria, pue,

jiùarnu de Pasqua o notte de Natale,

rivigghjiava tuttu lu mundu e

pportava na cuntentezza generale,

la hfesta era cominciata,

e tutti nui hfigghjiuali eramu cuntianti....

Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

Mastru Pasquale,

oltre a la custodia de la Chjasa,

avia puru nu lavoru

pe l'affari sue,

conzava scarpi, riparava ciabatti,

sandali e stivali.

Tenia na potihheddra picciriddra,

vicinu a la Chjasa parrocchiale;

Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

no 'nc'eranu discipuli o aiutanti,

iddru hfacìa sulu, piccoli lavori,

aggiustava 'ncunu taccu,

sostituìa na puntetta cunsumata,

era na hfatigheddra chi ssi tenia pe tirare avanti.....

Cùamu tutti li cristiani,

Mastru Pasquale,

avìa 'ncunu dihfettucciu,

chi bboliti,

la perfezione, ahimè,

Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

non è de ssu mundu,

a iddru li piacìa lu biccherucciu.....

No cca si'mbriacava

o jjia 'nta li cantini devinu.....

si cuntentava mu passa lu tìmpu

cu 'ncunu amicu davanti a nnu picciriddru.

Iddru jjia d'accordu assai cu

Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

Mastru Michiali.

Mastru Michiali era nu hfaligname de prim'ordine,

avia la potihha a lu Strittu

sutta la casa sua;

era nu tipu assai spassusu,

sempe allegru,

cu la battuta pronta;

Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

na capigliatura 'mponente,

arricciata arriatu cuamu nu poeta,

lu varvazzale nu pùacu sporgente,

la vucca disposta a lu sorrisu,

l'occhjiali de vista 'ncroccati .

nu mùarzu de

de chidru chjattu e russu

chi ttenìa sempre arriatu la destra.

Avìa na caminata tutta sua,

cu li spaddri chi jjanu de na via a nn'atra e

Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

la capu ondeggiante de supportu.

Quandu si jjungianu,

Mastru Michiali e Mastru Pasquale,

era nu spettaculu a bbidire,

e ssi 'nc'era pue lu biccherucciu,

mu li sianti parrare

senza, però, mai offendere nessuno.

Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

Dui personaggi de atri tiampi,

belli, puliti,

chi nno fficeru mai male a nessuno,

e ssi fhfacianu volire bene de li gianti.

Nui li ricordamu,

cùamu si li ricorda tuttu lu paise,

cu ttantu affettu e simpatia,

pecchè cu lu tiampu,

no 'ndavimu trovatu cchjiù perzuni

Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

sinceri e de animu 'nnocente,

propi cùamu li hfigghjiùali,

senza malignità e ssicundi hfini.

Cu li canuscìu

si li ricorda ancora doppu tanti anni,

e ttutti quanti nui ni rendimu cuntù

ca no 'nc'è bisùagnu

mu sini patreternu

pe mmu dassi nu bùanu ricùardu

a cchistu mundu:

basta mu sini normale,

e mu vue bene a la gente,

mu hfai lu dovere tue,

cu onestà, umiltà e sincerità.

Quandu ancora ojje,

doppu tantu tiampu,

tra amici, de iddri 'nda parramu,

tutti quanti allargamu li vrazza e


stampamu nu sorrisu,

Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

I primi chierichetti .A sinistra lo spazio per l'organo di Mastro Pasquale. Questi Chierichetti,oggi ottantenni, sapranno condividere meglio il ricordo affettuoso che riteniamo doveroso porre per Mastro Pasquale e Mastru Michieli. Entrambi uomini di Chiesa che , ognuno col suo contributo, hanno aiutato a camminare la gente di questo paese.



Un documento dell'Arciprete Provenzano preso a caso. Qualche anno dopo sarebbe arrivato Don Adolfo e Mastro Pasquale che arrivava da Squillace insieme ad un fratello ,Peppino (sarto), poi emigrato.



Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

Attrezzi cortesemente " collaborati " da Mastro Peppino Maiolo appartenuti al nostro Mastru Michiali.

.....

Francesco Casalnuovo - jacursoonline



Mastru Pasquale & Mastru Michiali

Scritto da Administrator

Sabato 17 Giugno 2023 21:56 - Ultimo aggiornamento Domenica 18 Giugno 2023 10:01

